

Ասով չի վերջանար հակամարտութիւնը. երկուստեք կը շարունակեն նամակներ կամ պատուիրակներ ղրկել էջմիածին, և զիրար մեղադրել (6):

Խնդիրներն ի սպառ փակելու նպատակաւ, Ստոյ Թորոս Բ. Կաթողիկոսը, որ այն ժամանակ Կ. Պոլիս կը գտնուէր, ժողով կը գումարէ Ս. Աստուածածին եկեղեցւոյն մէջ, մասնակցութեամբ Խաչատուր և Թադէոս եպիսկոպոսներուն, Խաչատուր և Մարտիրոս վարդապետներուն, Իշխաններուն, քահանաներուն և բազմամբոխ ժողովրդեան (18 Դեկտ. 1656): Երեք օր յետոյ, Կիրակի, Դեկտեմբեր 21ին, Թորոս Կաթողիկոս, նոյն եկեղեցւոյն մէջ, կը պատմէ Մուղնեցւոյն արարքները, կը նզովէ զայն և անոր համախոհները, Տարաբխանաճի վարդան և Պարմազսուզ Աստուածատուր վարդապետները, կը մեղադրէ: Յակօր Կաթողիկոսը, որ հերձուածող Մուղնեցւոյն ողջոյնի գիր ղրկած է. և կը թելադրէ. «նամակ ղրկենք Կաթողիկոսին մենք և բոլոր վարդապետներս. եթէ չարերը պատժէ, և բարիներուն օրհնութիւն՝ և Քաղաքիս մխիթարական թուղթ ուղարկէ, շատ լաւ. այն ատեն իմ մեծ եղբայրս է և աչքերուս լոյսը: Եթէ դարձեալ յամառի և չարերը գովէ, այսուհետև կը

(6) Աճղ, 217: